

骈
体
南
針

駢
體
南
針

駢體南鍼卷七目錄

陳謝 冠服 騎馬 鳩杖 住宅

賞戴花翎穿黃馬褂謝摺

同上

賞戴雙眼花翎謝摺


賞戴花翎謝摺

同上

同上

賞穿黃馬褂謝摺

賞黑狐端罩謝摺



同上

同上

賞青狐端罩謝摺

賜玉如意貂皮褂謝摺

賜貂皮褂謝摺

賜紫禁城內騎馬謝摺

同上

同上

賜鳩杖並

御製詩謝摺

恩諭三冬入直之王公及一二品大臣年七十以上者辰初進內預備宣召謝摺

賞住園內房屋謝摺

賞分住海淀官園謝摺

賞住內城房屋謝摺

同上

賞還入官畿輔會館房屋謝摺

六十生辰

恩賞扁額福壽字並珍綺謝摺

七十生辰

恩賞扁額並珍綺謝摺

同上

同上

八十生辰

恩賞珍綺謝摺

九十生辰

恩賞福壽字額聯並珍綺謝摺

駢體南鍼卷七

賞戴花翎穿黃馬褂謝摺

于敏中

竊臣忝列華纓愧循儒服籌筆親承夫

前席纖毫詎有微長宣

綸每奉夫

宵衣覩縷曾無小補幸邁

鴻勳之克集猥邀

曠典之頻施職襲輕車何意

賞延于世彤圖

紫閣深慙儼不于倫方受

寵以兢惶正撫躬而跼蹐茲復仰叨

優眷

特賜采章加冠耀孔雀之翎被體豔鶯黃之褶戴而
知重豈惟假以羽毛服且增榮奚啻

賜之顏色欣羨久而竟得洵詞臣未有之遭逢光輝
頓爾殊常尤翰苑將來之典故

恩實逾於常格感難罄以名言惟有勉竭惓忱益圖
報効以期仰答

高厚於萬一

賞戴花翎穿黃馬褂謝摺

鄭際唐

竊

臣

忝任

畿封疊邀

鴻貺念涓埃之未効每循省以難安邇當恭扈

行圍又沐

寵頒異數羽爲儀以叶吉加冠則垂而有餘文通理
而在中章身則服之無斃金花吐翠恰陪

豹尾之旁麗日舒黃雅稱葵心之向被

恩光於上已彌欣稽首之增榮凜夙夜之惟寅竊願

服膺以永矢所有

臣

抃戴下忱理合恭摺

奏謝

天恩

賞戴雙眼花翎謝摺

于敏中

竊臣屢荷

寵榮時深頂戴冠加上采足誇貂珥之非崇服賁中
黃祇懼鵷梁之不稱越寢興而銘佩顧形影以
悚惶何期

溫綽之再宣

特晉花翎於雙眼仰

國朝之昭度秩惟表夫宗公稽

冊府之酬庸

賞獨隆於上將臣技慙翰弱績遜鷹揚曾無毫髮之

微勞猥荷駢聯之

異數圖開麟閣華綏恰相映而三武接鳳池藻飾竟
會逢其偶若朝陽之翔翮羽罕能比此文章如
順風之遇鴻毛安足方斯遭際昨叨

優眷已欣願慕之獲償茲拜

殊褒實爲夢想所未及

恩並戴鰲而更重枕同躍雀以尤殷感益難名報將
何極惟有愈圖奮翮倍效銜環冀答有加無已
之

洪慈庶申永矢弗諼之下悃

賞戴花翎謝摺

韓鏞

竊臣

邊徼微材愚蒙下質忝內移於卿貳荷

恩眷夫身家感激方深夙夜以懼茲

闕前之較射獲班末之綴行適天中令節之辰值
雨足豐年之後殊愧手柔而弓燥未嫻左誦而
右支進先

寬許其疊雙退更

優容以加一

恩皆逾格

賚出非常何期一發之微忽

賁三英之飾憶耦耕之蓑笠顧影心驚榮侍列之簪
纓舉頭

恩重鄉閭信遠慰垂白以生歡塵露心微矢寸丹而
圖報

賞戴花翎謝摺 穆和蘭

伏念 奴才 世受

國恩特邀

天眷涓埃未効由庶尹而超任封圻尺寸無長莅中
州而兼司文武固已擁麾旄而滋愧紆黻佩以
懷慙迺若翠羽影纓金花耀首爲有位

推功之異數實我

朝表最之榮章披衣一品而弁端之藻映常虛秉
節四方而杜後之飛揚絕少 奴才 夢想不到

寵命忽來義緣借紫之推榮在珥貂以上舉頭戴

馬骨下錄
卷一
五
德顧影銘

恩捧

綸錫而重若邱山仰

天威而近如尺咫動色凜梁鵲之翼豈徒聳異於觀
瞻關心比池鳳之毛倍切欽承於負荷

賞戴花翎謝摺

畢沅

伏念

臣

猥以凡材仰邀

殊遇早叨科第身不誤於儒冠游領封圻榮已逾夫
華袞茲因述職獲遂瞻

天方循分以多慙正撫躬而滋愧乃荷

聖慈下被

前席頻宣遂蒙章采之

寵頒實越尋常之成格金花翠羽依

三殿以增輝藤帽朱絲映九苞而有耀載考玉堂
掌故罕邀珥飾榮施列